

**ISSITTUP IMARTAATA QEQQANI MALITTARISASSAQANNGITSUMIK
AALISARNERUP PINNGITSOORTINNISAA PILLUGU ISUMAQATIGISSLUT**

Isumaqtigiissummi illuatungeriit:

AKUERAAT, Issittup Imartaata qeqqani imaannaap ukioq kaajallallugu qanittoq tikillugu annerusumik sikuusarsimanera, taamaattumillu imartami tamaani aalisarnissaq ajornarsimanera, kisiannili imartami pineqartumi siku ukiuni kingullerni annikillisimanera.

AKUERAAT, Issittup Imartaata qeqqani pinngortitami ataqatigiinnerit inuit ingerlataannit annikitsuinnarmik sunnerneqarsimagaluartut pinngortitami ataqatigiinnerit taakku silap pissusaata allanngornera pissutsillu allat malitsigisaannik allanngulersut, allanngornerillu taakku kingunerisinnaasaanik iluamik paasisimasaqannginnerput.

AKUERAAT, imarmi pinngortitami ataqatigiinnerit aalisarnerillu peqqissut piujuartitsinermillu tunngaveqartut taamatullu aalisarneq nerisassanut nerisaqarnermullu pingaarluinnartuusut.

AKUERAAT Issittup Imartaata qeqqani aalisakkanik allanngutsaaliuinermut piujuartitsinermillu tunngaveqartumik nakkutiginninnermut naleqqiullugu Issittup Imartaata qeqqani naalagaaffit sineriallit immikkut akisussaaffeqlutillu immikkut soqtigisaqartut.

TUSAATIGAAT Issittup Imartaata qeqqani naalagaaffit sinerialinnit suliniutaannut matumani pineqanngillat, soorlu *Issittup Imartaata qeqqani malittarisassaqartinnejqanngitsumik imaani aalisarnerup pitsaaliornissaa pillugu nalunaarummut* ullormi 16. juli 2015-imi atsiorneqartumut naapertuuttut.

Nunat isumaqtigiissutaat nunanilu tamalaani allani imaani aalisarnermut tunngatillugu sakkut, Issittup Imartaata qeqqani imaannarmut atutereersut,

EQQAAMALLUGIT aalajangersakkallu, tassunga ilanngullugit ukunaniittut:

FN'ip immamut inatsiseqartitsineq pillugu isumaqtigiissutaa 10. december 1982-imeersoq (Isumaqtigiissut).

Aalisakkat ataatsimoorussat aamma aalisakkat ingerlaartuartut allanngutsaaliorneqarnerat nakkutigineqarnerallu eqqarsaatigalugit Naalagaaffit Peqatigiit Imarmi Pisinnaatitaaffit

Pillugit Isumaqatigiissutaat 10. december 1982-imeersumi aalajangersakkat atuutilernerri pillugit isumaqatigiissut 4. december 1995-imeersoq ("1995-imi isumaqatigiissut"), aamma

Akisussaassusilimmik aalisarneq sakkullu allat tulluartut pillugit pissusilernermi najoqququtassaq 1995-imeersoq, Naalagaaffit Peqatigiit Inuussutissalerinermut Nunalerinermullu suleqatigiiffianit akuerineqarsimasoq.

ERSEQQISSARLUGIT isumaqatigiissummi peqataasut aamma Issittup Imartaata qeqqaniittup imaanap ilaani allanngutsaaliuinikkut nakkutiginninnermilu aaqqiinerit akuerineqarnissaannut oqartussaasut Atlantikup Avannamut Kangiani Aalisarneq pillugu Kommissionip akornanni suleqatigiinnerup ataqatigiissaarinerullu qulakkeerneqarnerata pingaaruteqarnera, aamma aalisarnermik nakkutiginninneq pillugu sakkut tulluartut allat, nunani tamalaani inatsisit naapertorlugit pilersinneqartut ingerlanneqartullu, kiisalu nunani tamalaani suleqatigiiffiit suliniutillu attuumassuteqartut peqatigalugit.

UPPERALUGU aningaasarsiutigalugu aalisarneq siunissami qaninnerusumi Issittup Imartaata qeqqani imaanarmi qularnangitsumik inuussutigineqarsinnaassanganngitsoq, taamaattumillu piffissami maannakkut Issittup Imartaata qeqqani imaanraq pillugu nunarsuup immikkoortuani imaluunniit nunarsuup immikkoortuata ilaani aalisarnermik nakkutiginninnikkut suleqatigiiffimmik aaqqissuussinermilluunniit tapertaasumik pilersitsinissaq siusippallaartoq.

KISSAATIGALUGU, mianersornissamut tunngavik naapertorlugu, Issittup Imartaata qeqqani imaanarmi malittarisassaqartinnejqanngitsumik aalisarnerup aallartinnissaata pinngitsoortinnissaa, peqatigisaanillu suli allatigut allanngutsaaliuinikkut nakkutiginninnikkullu aaqqiinernik pisariaqartitsisoqarnersoq akuttunngitsumik misissortassallugu.

EQQAAMALLUGU NP-p nunat inoqqaavisa pisinnaatitaaffii pillugit nalunaarutaat 2007-imeersoq.

AKUERALUGIT issittumi najugallit, matumani issittumi nunap inoqqaavisa imaani uumasunik isumalluutinik Issittullu imartaani pinngortitami ataqatigiinnerit peqqissut eqqarsaatigalugit piffissaq sivisunerusoq eqqarsaatigalugu allanngutsaaliuinermik piujuartitsinermillu tunngaveqartumik iluaquteqartarnermik soqutigisaqartuunerat kiisalu tamatumani inuiaqatigiit pineqartut ilanngunneqartarnissaasa pingaaruteqarnerata erseqqissarneqarnissaa.

KISSAATIGALUGU Issittup Imartaata qeqqani imaanarmi aalisarnerup allanngutsaaliorneqarnissaa aqunneqarneralu tunngavigalugit, Issittup Imartaani pinngortitamilu sumiiffigisaanni imaani isumalluutit uumassusillit pillugit ilisimatuussutsikkut ilisimasat kiisalu nunat inoqqaavisa sumiiffinnilu najugaqartut ilisimasaasa atorneqarnerunissaat.

QULAANI ALLASSIMASUT AALLAAVIGALUGIT illuatungeriit imatut isumaqatigiissuteqarput:

Artikeli 1

Taaguutit

Isumaqtigiissummi matumani taaguutit uku imatut isumaqarput:

- (a) "Imartaq isumaqtigiissummiittooq" tassaavoq Issittup Imartaata qeqqani imaannaq, immamit ungusaasoq, aamma aalisarnermut tunngatillugu Canadap, Kalaallit Nunaat sinnerlugu Kunngeqarfip Danmarkip, Kunngeqarfip Norgep, Russit Naalagaaffeqatigiivisa aamma Amerikami Naalagaaffiit Peqatigiit ataanniittooq.
- (b) "Aalisakkat" isumaqarput aalisakkat assigiinngitsut, qimerloqanngitsut peqquillu, Isumaqtigiissummi immikkoortoq 77-imi taamatut nassuiardeqartut uumasut uninngaannartut ilanngunnagit.
- (c) "Aalisarneq" isumaqarpoq aalisakkanik ujaasineq, kajungilersitsineq, sumiissusersineq, pisarinerini imaluunniit pissarsiarineri imaluunniit ingerlatat suulluunniit aalisakkanik kajungilersitsinermik, sumiissusersinermik, pisarinerinik imaluunniit pissarsiarinerinik tulluartumik naatsorsuutigineqarsinnaasut.
- (d) "Aningaasarsiutigalugu aalisarneq" tassaavoq inuussutissarsiutigalugu aalisarneq.
- (e) "Misileraalluni aalisarneq" tassaavoq aalisarnermut tassunga tunngasunik ilisimatuussutsikkut paassisutissanut iluaqsiisumik siunissami aningaasarsiorluni aalisarnissap piujuartitsinermik tunngaveqarsinnaanerata ingerlanneqarsinnaaneratalu nalilernissaa siunertaralugu aalisarneq.
- (f) "Angallat" isumaqarpoq sunaluunniit angallat aalisarnermut atortulersugaalluni imaluunniit atorneqartussaalluni atorneqartoq.

Artikeli 2

Uuma isumaqtigiissutip siunertaa

Isumaqtigiissummi matumani siunertaq tassaavoq imaani pinngortitami ataqtigiinnerit peqqissut illersornissaat aamma aalisakkanik allanngutsaaliuinermik aamma piujuartitsinermik tunngaveqartumik iluaquteqarnerup qulakkeerneqarnissaa siunertaralugu siunissamut ungasinnerusumut atasumik pitsaaliuilluni allanngutsaaliuilluni nakkutiginninnermilu aaqqiinerit atorneqarnerisigut Issittup Imartaata qeqqani imaannarmi malittarisassaqanngitsumik aalisarnerup pinngitsoortinneqarnissaa.

Artikeli 3

Aalisarnermut tunngatillugu allanngutsaaliuinermi nakkutiginninnermilu aaqqiigallarnerit

1. Peqataasut tamarmik angallatit peqataasup erfalasua atorlugu angalaarsinnaasut uku taamaallaat naapertorlugit imartami isumaqatigiissummiittumi aningaasarsiutigalugu aalisarnissaannut akuerissavaat:
 - (a) Nunarsuup immikkoortuani imaluunniit nunarsuup immikkoortuata ilaani aalisarnermik nakkutiginninnikkut suleqatigiiffimmik akuerineqartumik aalisakkanik piuquartitsinermik tunngaveqartumik nakkutiginninneq pillugu allanngutsaaliuilluni nakkutiginninnermilu aaqqiinerit, imaluunniit aaqqissuussinerit nunani tamalaani malitassat akuerisaasut naapertorlugit taamatut aalisarnermik nakkutiginninnissamut nunani tamalaani inatsisit naapertorlugit akuerineqarsimasut imaluunniit akuerineqartussaasut ingerlanneqartullu, imaluunniit
 - (b) Allanngutsaaliuinermi aqtsinermilu aaqqiinerugallartut immikkoortoq 5, imm. 1, litra c), nr. ii) naapertorlugu peqataasunit aalajangerneqarsinnaasut.
2. Ilisimatusarnermut nakkutiliinermullu tunngatillugu ataatsimut pilersaarutini killissaliussat, immikkoortoq 4 aamma nammineq nunagisami ilisimatuussutsikkut pilersaarutit malillugit suliarineqarsimasut naapertorlugit ilisimatusarnissaannik peqataasut kaammattorneqarput.
3. Allanngutsaaliuilluni nakkutiginninnermilu aaqqiinerit, peqataasut immikkoortoq 5, imm. 1, litra d) tunngavigalugu aalajangersarsimasaat taamaallaat naapertorlugit peqataasup angallatit peqataasup erfalasua atorlugu angalaarsinnaasut imartami isumaqatigiissummiittumi misileraalluni aalisarnissaat akuerisinnaavai.
4. Peqataasut qulakkiissavaat, imartami isumaqatigiissummiittumi aalisakkanik pisaqarfiusut ilisimatuussutsikkut ilisimatusarluni ingerlatatik malittarisassaqanngitsumik aningaasarsiutigalugu imaluunniit misileraalluni aalisarnerit pinngitsoortinnissaannik aamma imartami pinngortitami ataqtiginnerup peqqissup illorsorneqarneranik sanngiillisitsinnginnissaat. Ilisimatusarnerit taama ittut akuerineqarnissaat pillugit peqataasut pilersaarutitik pillugit imminnut ilisimatitseqatigiittarnissaat kajumissaarutigineqarpoq.
5. Aaqqiigallarnerit immikkoortoq taanna aqqutigalugu aalajangersarneqartut aamma aaqqiinerusinnaasut allat imaluunniit aaqqiinerugallartut allat, immikkoortoq 5, imm. 1, litra c) naapertorlugit aalajangersarneqartariaqarsimasut eqqortinneqarnissaat peqataasut qulakkiissavaat.
6. 1995-imi isumaqatigiissummi immikkoortoq 7 naapertorlugu naalagaaffinni sinerialinni peqataasut peqataasullu allat Issittup Imartaata qeqqani naalagaaffiit oqartussaaffigisaanni aamma oqartussaaffigisaasa avataanni ingerlanneqartut aalisakkanik isumalluutinik allanngutsaaliuinermi nakkutiginninnermilu aaqqiinerit atorneqarsinnaanerani qulakkeerneqarnissaannut

suleqatigiissapput, isumalluutit taakku tamakkiisumik allanngutsaaliorneqarnerat nakkutigineqarnerallu qulakteerniarlugit.

7. Qulaani imm. 4-mi allanneqartut saniatigut isumaqatigiissummi matuman sunaluunniit ilisimatuussutsikkut imaani ilisimatusarnermut naleqqiullugu peqataasut pisinnaatitaaffiinik killilersuinertut nassuiardeqassanngillat, soorlu taamatut Isumaqatigiissummi allassimasoq.

Artikeli 4

Ilisimatusarneq nakkutiginninnerlu pillugit ataatsimoorluni suliniutit

1. Issittup Imartaata qeqqani pinngortitamilu ataqatigiinnermi sumiiffigisaanni imaani isumalluutit uumassusillit pillugit ilisimasami annertusineqarnissaat siunertaralugu ilisimatuussutsikkut ilisimatusarnerup iluani suleqatigiinneq peqataasut siuarsassavaat.

2. Peqataasut akueraat isumaqatigiissutip matuma atulersinneraniit kingusinnerpaamik ukiut marluk qaangiutsinnagit imartami isumaqatigiissummiittumi pinngortitami ataqatigiinnerit pillugit paasisat pitsaanerulersinnissaat siunertaralugu ilisimatuussutsikkut ilisimatusarnermut nakkutiginninnermullu suliniummit ataatsimoorussamik pilersitsissasut, pingartumillu imartami isumaqatigiissummiittumi maannakkut siunissamilu aalisakkat suut tamaaniikkumaarnersut aamma piujuartitsinermik tunngaveqartumik aalisarneqarsinnaajumaarnersut kiisalu taamatut aalisarnerup imartami isumaqatigiissummiittut pinngortitamut ataqatigiinnermut/pinngortitamut ataqatigiinnernut kiisalu ilisimatusarnermut nakkutiginninnermullu suliniutip ataatsimoorussap ineriaartortinneranik, ataqatigiissarneranik atulersinneranillu peqataasut aqtsinerat qanoq kinguneqassanersut aalajangersarlugit.

3. Ilisimatuussutsikkut ilisimatusarnermut nakkutiginninnermullu ataatsimut suliniut peqataasunit ineriaartortinneqassaaq, ataqatigiissarneqassaaq atulersinneqassallunilu. Ilisimatuussutsikkut ilisimatusarnermut nakkutiginninnermullu suliniummi ataatsimoorussami ilisimatuussutsikkut suliatigullu kattuffinniit suliniutinillu attuumassuteqartunit ingerlanneqartut sulinerit kiisalu nunat inoqqaavisa sumiiffinnilu ilisimasat ilanngullugit eqqarsaatiginissaat peqataasut qulakkiissavaat.

4. Ilisimatuussutsikkut ilisimatusarnermut nakkutiginninnermullu suliniummut ataatsimoorussamut atasumik isumaqatigiissutip matuma atulersinneraniit kingusinnerpaamik ukiut marluk qaangiutsinnagit paassisutissanik avitseqatigiittarneq pillugu isumaqatigiissummut tapiliussamik peqataasut akuersissapput, aamma isumaqatigiissummut tapiliussat eqqarsaatigineqartoq naapertorlugu toqqaannartumik imaluunniit ilisimatuussutsikkut suliffiit suliniutillu attuumassuteqartut aqqutigalugit paassisutissat attuumassuteqartut avitseqatigiiffigisassallugit.

5. Peqataasut naapeqatigiittassapput allatigulluunniit ikinnerpaamik ukiut marlukkaarlugit ilisimatuussutsikkut ataatsimiittassapput, peqataasullu immikkoortoq 5 naapertorlugu ingerlanneqartumi ataatsimiinnissaq sivikinnerpaamik qaammatit marluk sioqqullugit ilisimatusaatigisimasami inernerri saqqummiunniarlugit, ilisimatuussutsikkut paasissutissat pitsaanerpaamik pissarsiarineqarsinnaasut misissorniarlugit aamma peqataasut ataatsimiinnerannut piffissaagallartillugu ilisimatuussutsikkut siunnersuinermk tunniussisoqarnissaanut. Isumaqtigiissutip matuma atulersinnerata kingorna sivisunerpaaamik ukiut marluk qaangiunnerini ilisimatuussutsikkut ataatsimiittarnerit pillugit suliassanut tunngavigisassat suleriaatsillu allat peqataasunit akuerineqassapput.

Artikeli 5

Misissuineq naammasseqqinnejnareralu

1. Peqataasut ukiut marlukkaarlugit imaluunniit taamatut aalajangiisimagunik akulikinnerusumik ataatsimiittassapput. Ataatsimiinnerni peqataasut ilaatigut :

- (a) Isumaqtigiisummik uuminnga suliaqarsimanerup saqqummiunnera, pisariaqarpallu immikkoortumi 13, imm. 2-mut naapertuuttumik isumaqtigiissutip uuma sivisussusissaanut tunngasunut apeqquqteqassappat apeqquqtinik isumaliutersuuteqarneq.
- (b) Ilisimatuussutsikkut ilisimatusarnerit nakkutiginninnerillu pillugit ataatsimoorussamik suliniutitigut, peqataasut ilisimatuussutsikkut suliniutaasigut aamma pissarsiffiit allat attuumassuteqartut aqqutigalugit, tassunga ilanngullugit nunat inoqqaavi sumiiffinnilu ilisimasat, pissarsiarineqartut ilisimatuussutsikkut paasissutissat pissarsiarineqartut tamarmik misissorneqassapput.
- (c) Ilisimatuussutsikkut ilisimatusarnerit nakkutiginninnerillu pillugit ataatsimoorussamik suliniutitigut, peqataasut ilisimatuussutsikkut suliniutaasigut aamma pissarsiffiit allat attuumassuteqartut aqqutigalugit pissarsiarineqartut ilisimatuussutsikkut paasissutissat tunngavigalugit, aamma aalisarnermi nakkutiginninnerni pinngortitamilu ataqtiginnerni isigisat attuumassuteqartut eqqarsaatigalugit, tassunga ilanngullugit mianersornissamut tunngavik aamma pinngortitami ataqtiginnernut sunniutaasinnaasut ajortut, *ilaatigut* imartami isumaqtigiisummiiittumi aalisakkat takkussuuttut, noorartut sippulimmillu peqarfiersut piujuartitsinermik tunngaveqartumik aningaasarsiutigalugu aalisarnermut tunngaviusinnaanersut nalilersussallugu, tamannalu tunngavigalugu aalajangiissallutik:
- (i) Nunarsuup immikkoortuani imaluunniit nunarsuup immikkoortuata ilaani aalisarnermk nakkutiginninnikkut suleqatigiiffimmi ataatsimik

arlalinnilluunniit imaluunniit imartami isumaqatigiissummiittumi aalisarnermi nakkutiginninnermut tunngasunik aaqqissuussinernik pilersitsisoqarnissa siunertalarugu isumaqatigiinniarnerit aallartinneqassanersut, aamma

- (ii) Imartami isumaqatigiissummi aalisakkanut pineqartunut tunngasunik allanngutsaaliuilluni nakkutiginninnermilu suli allanik aaqqiinernik imaluunniit aaqqiinerugallartunik aalajangersaasoqassanersoq, imm. (i) naapertorlugu isumaqatigiinniarnerit aallartinneqarpata peqataasullu piujuartitsinermik tunngaveqartumik aalisakkanik qulakteerinninnissamut sakkut pillugit isumaqatigiissuteqarpata.
- (d) Isumaqatigiissutip uuma atuutilerneranik kingusinnerpaamik ukiut pingasut qaangiutinnginneranni isumaqatigiissummi pineqartuni misileraalluni aalisarnermi piujuartitsinissamut aqutsinissamullu suliniutinik aalajangersaasimanissaq. Peqataasut aalajangersakkanik piffissamit piffissamut allannguisinnaapput. Aaqqiissutini taaneqartuni *ilaatigut* aalajangersarneqassapput:
- (i) Misileraalluni aalisarnerup isumaqatigiissummi matumani siunertaq sanngiillisissanngikkaa.
 - (ii) Misileraalluni aalisarneq killeqartumik sivisussuseqarlunilu, annertussuseqarluni killeqartinneqassasoq aalisakkat pinngortitamilu ataqtigiinnerit kingunissaat annikitsumiitinniarlugit, aamma immikkoortoq 4, imm. 5-imi akuerineqartut paasissutissanik avitseqatigiinneq pillugu isumaqatigiissummut tapiliussami pitsaassutsitsigut piumasaqaatit malissallugit.
 - (iii) Misileraalluni aalisarnissaq patajaatsumik ilisimatuussutsikkut ilisimatusarneq tunngavilik peqataasup taamaallaat akuerisinnaavaa, aamma tamanna ilisimatuussutsikkut ilisimatusarnerit nakkutiginninnerillu pillugit ataatsimoorussamik suliniutinut aamma namminerisamik ilisimatuussutsikkut suliniutinut naapertuuppat.
 - (iv) Peqataasup aalisarnermut tunngasunik pilersaarutini peqataasunut allanut nalunaarutigereerpagit peqataasup misileraalluni aalisarnissaq akuerisinnaavaa, peqataasullu allat pilersaarutinut oqaaseqaateqarnissamut periarfissinneqarsimappata.
 - (v) Peqataasup akuerisimasaa misileraalluni aalisarneq sunaluunniit naammattumik peqataasup nakkutigissavaa, aamma aalisarnermiit angusat pillugit peqataasut allat ilisimatissallugit.

2. Isumaqtigiissutip matuma atulersinnissaa pitsaanerulersinniarlugu, tassunga ilanggullugu ilisimatuussutsikkut ilisimatusarnerit nakkutiginninnerillu pillugit ataatsimoorussamik suliniutit, aamma ingerlatat allat immikkoortoq 4 naapertorlugu aallartinneqartut, issittormiunik sinnisoqarfiusumik ataatsimiitaliamik assigisaanilluunniit peqataasut pilersitsisinnaapput, tassunga ilanggullugit issittumi nunat inoqqaavi.

Artikeli 6

Aalajangiineq

1. Suleriaatsimut tunngatillugu apeqqutit akuersilluni angernikkut imaluunniit itigartitsilluni taasinikkut amerlanerussuteqartunit aalajangiiffiqeqassapput
2. Atortutigut sammisanut tunngasutigut peqataasut aalajangiineri akerliusqanngitsumik taasisoqarneratigut aalajangerneqassapput. Isumaqtigiissummi matumani "akerliusqanngitsumik" isumaqarpoq piffissami aalajangiisoqarnerani akerliusqanngitsoq.
3. Peqataasoq ataaseq isumaqarpat sammisaq atortutigut pingaaruteqartoq sammisaq atortutigut sammisaassaaq.

Artikeli 7

Isumaqtigiinngissutinik aaqqiineq

1995-imi isumaqtigiissummi immikkoortoq VIII-imit takuneqarsinnaasut isumaqtigiinngissutinik aaqqiinerit pillugit aalajangersakkat isumaqtigiissutip matuma nassuiarneranut *imaluunniit atorneqarneranut tunngasuni* peqataasut akornanni isumaqtigiinnernut sunulluunniit pisariaqartutigut allangortitsinernut atuupput, peqataasut 1995-imi isumaqtigiissummut ilaandersut imaluunniit ilaanginnersut apeqquataatinnagu.

Artikeli 8

Nunat isumaqtigiissummut ilaanngitsut

1. Nunat isumaqtigiissummi matumani ilaangitsut isumaqtigiissummi matumani aalajangersakkat naapertorlugin aaqqiinernik aallartitsinissaannut peqataasunit kaammattorneqassapput.
2. Ingerlatat, angallatinit nunap isumaqtigiissummut ilaanngitsup erfalasua atorlugu umiartortup, isumaqtigiissutip matuma kinguneqarluartumik naammassineqarnissaanut

sanngiillisitsisinnaasut pinngitsoortinniarlugin, nunani tamalaani inatsisit naapertorlugin, peqataasut aaqqiinernik pilersitsissapput.

Artikeli 9

Atsiorneq

1. Isumaqtigiissut manna Canadamit, Kunngiitsoqarfimmit Kinami, Savalimmiut Kalaallillu Nunaat eqqarsaatigalugit Kunngeqarfimmit Danmarkimit, Islandimit, Japanimit, Kunngiitsoqarfimmit Koreamit, Kunngeqarfimmit Norgemit, Ruslandimi Naalagaaffeqatigiinnit, Amerikami Naalagaaffiit Kattussimasut aamma Den Europæiske Unionimit _____ ullormiit _____ atsiorneqarnissamut piareersimassaaq, aamma ullormit pineqartumiit qaammatit aqqaneq marlunni (12) atsiorneqarnissaminut piareersimassalluni.

2. Isumaqtigiissummik matuminnga atsiortunut atortussanngortinneqarnissaanut, akuerineqarnissaanut akuersinissamullu isumaqtigiissut tamatigut piareersimassaaq.

Artikeli 10

Akuersaarneq

1. Isumaqtigiissut nunanut, immikkoortoq 9, imm. 1-imi allassimasunut, isumaqtigiissummik atsorsimanngitsunut, aamma Den Europæiske Unionimut, unioni isumaqtigiissummik atsorsimanngippat, akuersaarnissa siunertaralugu piareersimassaaq.

2. Isumaqtigiissutip atuutilersinnerata kingorna peqataasut nunat allat piviusumik soqutiginnittut isumaqtigiissutip matuma akuersaarnissaanut peqataasunik kaammattorneqarsinnaapput.

Artikeli 11

Atortuulerfia

1. Nunanit aamma Den Europæiske Unionimit, immikkoortoq 9, imm. 1-imi eqqaaneqartunit isumaqtigiissutip matuma atsiorneqarnissaanut, akuerineqarnissaanut, akuersinissamut imaluunniit akuersaarnissaanut sakkunik paarinnittup tigusineranut ullormiit ullut 30-t kingorna isumaqtigiissut manna atuutilissaaq.

2. Isumaqtigiissutip uuma atuutilerneranit immikkoortoq 10-mi imm. 2 naapertorlugu naalagaaffinnut ataasiakkaanut atuutsitsileqquneqartunut atuutilissaqakuersinissamut sakkunik taaneqartunik tunineqarsimasunut ullut 30-t qaangiunneranni tunineqarsimasunut.

Artikeli 12

Tunuarneq

Peqataasup tunuarnera pillugu ulloq atuutilerfiusoq allallugu nunanut allanut attaveqaatit aqqutigalugit, isumaqtigiissummik paarinnittunut tamanna pillugu allakkatigut nalunaaruteqarnikkut peqataasoq qaqgukkulluunniit isumaqtigiissummit matumannga tunuarsinnaavoq, nalunaarnermut ullormiit sivikinnerpaamik qaammatit arfinillit qaangiutsinnagit. Isumaqtigiissummit matumannga tunuarneq isumaqtigiissutip peqataasut sinneruttut akornanni atorneqarneranut imaluunniit isumaqtigiissummit matuminnga attaviitsuunissamut nunani tamalaani pisinnaatitaaffik naapertorlugu peqataasunut atuuttoq isumaqtigiissut naapertorlugu peqataasup tunuartup pisussaaffimminik naammassinissaanut kalluissanngilaq.

Artikeli 13

Isumaqtigiissutip uuma sivisussusissaa

1. Isumaqtigiissutip uuma atuutilernerata kingorna piffissami aallarniutaasumi ukiuni 16-ini atuutissaq.
2. Piffissap aallarniutaasup naanerata kingorna, soorlu imm. 1-im iqlaani allanneqartoq, isumaqtigiissut piffissani tulleriinni ukiuni tallimakkaartuni ataatsini amerlanerniluunniit atuutiinnassaaq, peqataasut arlaat ataaseq:
 - (a) Peqataasut akornanni ataatsimiinnermi kingullermi taamatut isumaqtigiissutip sivitsorneqarnissaanut piumasarineqartumik akerliliinngippat, piffissap aallarniutaasup imaluunniit kingusinnerusukkut sivitsuinerup naanissaa sioqqullugu ingerlanneqartumi, imaluunniit
 - (b) piffissap pineqartup sivitsorneqarnerata naanissaa sioqqullugu sivisunerpaamik qaammatit arfinillit sioqqullugit paarinnittumut taamatut sivitsuinissamut piumasarineqartutut allakkatigut akerliliinermik nassiussinngippat.
3. Isumaqtigiissutip matuma aamma isumaqtigiissutaasinaasup nutaap akornanni kinguneqarluartumik ikaarsaariartoqarnissaq peqataasut isumagissavaat, imaani pinngortitami ataqtigiinnerit peqqissut qulakkeerneqarnissaat aamma imartami isumaqtigiissummiittumi aalisakkat allangutsaaliornissaat piujuartitsinermillu tunngaveqartumik atuinissamik

qulakkeerinninnissaq siunertaralugit nunarsuup immikkoortuani imaluunniit nunarsuup immikkoortuata ilaani aalisarnermik nakkutiginninnikkut suleqatigiiffimmik imaluunniit imartami isumaqatigiissummiittumi aalisarnermi nakkutiginninnermut tunngasunik aaqqissuussinermik pilersitsisumik.

Artikeli 14

Isumaqatigiissutinut allanut pissutsit

1. Peqataasut akueraat nunani tamalaani inatsisini aalajangersakkanut attuumassuteqartunut naapertuuttumik pisinnaatitaaffimminnut pituttugaallutik aammalu pituttugaajuassallutik, tassunga ilanngullugu 1995-imi isumaqatigiissut, aamma akueralugu pisussaaffiit taakku naammassineqarnissaat pillugu suli suleqatigiinnissap pingaruteqarnera, aamma isumaqatigiissut manna atorunnaassagaluarpalluunniit, nunarsuup immikkoortuani imaluunniit nunarsuup immikkoortuata ilaani aalisarnermik nakkutiginninnikkut suleqatigiiffimmik imaluunniit imartami isumaqatigiissummiittumi aalisarnermi nakkutiginninnermut tunngasunik aaqqissuussinermik pilersitsinissaq pillugu isumaqatigiissuteqanngikkaluartorluunniit.
2. Nunani tamalaani isumaqatigiissutinut naleqqiullugu peqataasut pisinnaatitaaffiinut pisussaaffiinullu naleqqiullugu peqataasut inissisimanerat aamma imaani pisinnaatitaaffinnut tunngasunut apeqqutit eqqarsaatigalugit inissisimanerat isumaqatigiissummi matumani sumiluunniit kalluarneqanngilaq, tassunga ilanngullugit Issittup Imartaani pisinnaatitaaffinnik oqartussaaffinnillu ingerlataqarnermut tunngasutigut inissisimanerit eqqarsaatigalugit.
3. Nunani tamalaani inatsisini aalajangersakkat attuumassuteqartut naapertorlugit peqataasut pisinnaatitaaffii, oqartussaaffii pisussaaffiilu, soorlu 1995-imi isumaqatigiissummit takuneqarsinnaasut, isumaqatigiissummi matumani kalluarneqanngillat, tassunga ilanngullugit nunarsuup immikkoortuani imaluunniit nunarsuup immikkoortuata ilaani aalisarnermik nakkutiginninnikkut suleqatigiiffimmik ataatsimik arlalinnilluunniit imaluunniit imartami isumaqatigiissummiittumi aalisarnermi nakkutiginninnermut tunngasunik aaqqissuussinermik pilersitsinissaq pillugu isumaqatigiinniarnerit aallartinneqarnissaanut siunnersuuteqarsinnaatitaaneq.
4. Peqataasut pisinnaatitaaffii pisussaaffiilu, isumaqatigiissutinit allanit aallaaveqarsinnaasut, isumaqatigiissummut matumunnga ataqtigiiinneqarsinnaasut, aamma isumaqatigiissut manna naapertorlugu peqataasut allat pisinnaatitaaffimminnik pisussaaffimminnilluunniit ingerlatsinerannut sunniuteqanngitsut, isumaqatigiissutip matuma allanngortinngilai. Aalisarnermik nakkutiginninnermut tunngasut nunani tamalaani sakkutigut inissisimanernut piginnaatitaanernullu isumaqatigiissut sanngiillisitsissanngilaq imaluunniit akerliliissanngilaq.

Artikeli 15

Paarinnittoq

1. Canadami naalakkersuisut isumaqatigiissummik matuminnga paarinnittuupput.
2. Atsiorneqarneranut, akuerineqarneranut, akuerineranut imaluunniit akuersaarneranut sakkut paarinnittumi inissinneqarsimassapput.
3. Atsiorneqarneranut, akuerineqarneranut, akuerineranut imaluunniit akuersaarneranut sakkut tamarmik inissinneqarsimasut pillugit atsiorsimasunut tamanut peqataasunullu tamanut paarinnittooq nalunaaruteqassaaq, aamma nunat isumaqatigiissuteqarsinnaatitaanerat pillugu *Wienimi isumaqatigiissummi 1969-imeersumi aalajangerneqartunik ingerlatsissalluni.*

Ilulissani 2018-imi ullormi 3. oktober-mi kiniserisut, tuluttut, franskisut russisullu allagaateqqaatut **SULIARINEQARPOQ**. Oqaasertaliussat tamarmik assigiimmik atuuttuutinneqarput.

CANADAMUT:

KUNNGIITSOQARFIMMUT KINAMUT:

**KUNNGEQARFIMMUT DANMARKIMUT
SAVALIMMIUNUT KALAALLILLU NUNAANNUT TUNNGATILLUGU:**

ISLANDIMUT:

JAPANIMUT:

KUNNGIITSOQARFIK KOREA:

KUNNGEQARFIMMUT NORGEIMUT:

RUSLANDIMUT:

USAMUT:

DEN EUROPÆISKE UNIONIMUT:
